

## I. PRINCIPADO DE ASTURIAS

### • OTRAS DISPOSICIONES

#### CONSEYERÍA D'EDUCACIÓN

*RESOLUCIÓN de 7 de marzu de 2022, de la Conseyería d'Educación, pola que se convoquen les pruebas de certificación de llingua asturiana del añu 2022 nel Principáu d'Asturies.*

#### Fundamentos de derecho

L'artículo 3.3. de la Constitución Española determina que la riqueza de les distintes modalidaes llingüístiques d'España ye un patrimoniu cultural que va ser oxetu d'especial respetu y protección.

La Carta Europea de Llingües Minoritaries y Rexonales de 5 de payares de 1992, ratificada por España'l 2 de febreru del 2001, espón n'artículo 7.1. apartáu f) que los Estaos signatarios van basar la so política, la so llexislación y la so práctica en materia de llingües rexonales o minoritaries, ente otros oxetivos, en "la provisión de formes y medios afayadizos pa la enseñanza y l'estudiu de les llingües rexonales o minoritaries en tolos niveles".

En desenvolvimientu del artículo 4 del Estatutu d'Autonomía del Principáu d'Asturies dictóse la Llei del Principáu d'Asturies 1/1998, de 23 de marzu, d'Usu y Promoción del Bable/Asturianu, na que, ente otres cuestiones, encárense los aspectos relacionaos cola enseñanza, estableciendo que'l Principáu d'Asturies va asegurar la enseñanza del bable/asturianu y va promover el so usu dientro del sistema educativu. Amás, nel so artículo 11, referíu a titulaciones, dispónse que'l Principáu d'Asturies va establecer: a) Les titulaciones necesaries pa impartir la enseñanza del bable/asturianu; b) Titulaciones y certificaciones qu'acreiten la conocencia del bable/asturianu.

Per otru llau, el Conseyu d'Europa, nel Marcu Común Européu de Referencia pa les Llingües, establez directrices tanto pal aprendimientu de llingües como pa la valoración de la competencia de falantes nes distintes llingües. Estes pautes van ser un referente clave nel establecimientu de los distintos niveles de competencia de la llingua asturiana.

Pa llevar alantre'l cumplimientu d'estes directrices, desenvuélvese'l Decretu 47/2019, de 21 de xunu, pol que s'establecen los niveles de competencia nel usu de la llingua asturiana y se regula la prueba de certificación correspondiente a esos niveles adaptaos al Marcu Común Européu de Referencia de les Llingües, que va ufiertar la posibilidá d'adquirir, d'alcuertu coles sos necesidaes y a lo llargo de la vida, diversos niveles de competencia en llingua asturiana. Esti Decretu determina tamién que va ser responsabilidá de la Conseyería competente en materia de política llingüística la organización y xestión d'esa prueba de certificación.

La Resolución del 28 de xineru del 2020, de la Conseyería de Cultura, Política Llingüística y Turismu, determina que l'establecimientu de les llinies prioritaries en materia de política llingüística amás de la coordinación d'actuaciones en materia de titulaciones y certificaciones en llingua asturiana ye competencia de la Conseyería de Cultura, Política Llingüística y Turismu, anque razones d'eficacia y de rigor na xestión de los recursos públicos aconsen que la convocatoria, elaboración, alministración, evaluación y calificación de les pruebas pa la obtención de los certificaos de los niveles de la llingua asturiana y la espedición d'esos certificaos y les sos equivalencies la realice la Dirección Xeneral d'Ordenación, Evaluación y Equidá Educativa de la Conseyería d'Educación, en beneficiu d'una mayor eficiencia del gastu públicu. Con esta resolución procédese a la delegación de competencies d'una conseyería a otra pa llevar alantre la organización y xestión de la prueba.

L'artículo 1.3 del Decretu 47/2019, de 21 de xunu, establez los niveles competenciales Básicu A1, Básicu A2, Intermediu B1, Intermediu B2 y Avanzáu C1, y el so artículo 3 determina que caún de los niveles tienen qu'integrar les cinco actividaes de llingua siguientes: comprensión de textos orales, comprensión de textos escritos, producción y coproducción de textos orales, producción y coproducción de textos escritos y mediación, y va garrar como referencia los oxetivos, les competencies, los conteníos y los criterios d'evaluación establecíos pa los distintos niveles del Decretu mentáu.

Esti mesmu Decretu nel so artículo 4.1. establez que pal llogru del certifiáu de los niveles de la llingua asturiana va ser menester superar una prueba de certificación. Asina mesmo, l'artículo 13 estipula que van convocase les pruebas específiques de certificación, polo menos, una vez al añu pa un mínimu d'ún de los niveles.

Nel añu 2022, y nesta resolución de convocatoria, ufiértase la posibilidá de certificación en nivel Intermediu B2 y nel nivel Avanzáu C1.

En virtú de lo anterior, pa la organización de les pruebas de certificación de llingua asturiana nel añu 2022 va tase a lo dispuesto nel mentáu Decretu 47/2019, de 21 de xunu, y nos apartaos d'esta resolución de convocatoria.

Por too esto, vistos el Decretu 82/2019, de 30 d'agostu, pol que s'establez la estructura orgánica básica de la Conseyería d'Educación, la Resolución de 25 de payares de 2019, de la Conseyería d'Educación, pola que se deleguen competencies en diversos órganos d'esa conseyería, y l'artículo 14 de la Llei 2/1995, de 13 de marzu, sobre Réxime Xurídicu de la Alministración del Principáu d'Asturies,



## RESUELVO

*Primero.*—Aprobación de la convocatoria.

Aprobar la convocatoria de les pruebas de certificación de llingua asturiana de los niveles de competencia Intermediu B2 y Avanzáu C1 del añu 2022, nel Principáu d'Asturies.

*Segundo.*—Oxetu.

L'oxetu de la presente resolución ye convocar les pruebas de certificación de llingua asturiana del añu 2022, nel Principáu d'Asturies, d'alcuertu colo afitao nel Decretu 47/2019, de 21 de xunu, pol que s'establecen los niveles de competencia nel usu de la llingua asturiana y se regula la prueba de certificación correspondiente a esos niveles adaptaos al Marcu Común Européu de Referencia de les Llingües.

*Tercero.*—Finalidá y efectos de les pruebas.

La finalidá de les pruebas de certificación de llingua asturiana ye evaluar y acreitar la competencia llingüística de les persones aspirantes que permita, nel so casu, la certificación de competencies nel usu de la llingua asturiana nos niveles de competencia Intermediu B2 o Avanzáu C1.

*Cuarto.*—Convocatoria.

1. El Decretu 47/2019, de 21 de xunu, establez que les pruebas de certificación de niveles de llingua asturiana van entamase polo menos una vez al añu pa un mínimu d'un de los niveles.

2. Nel 2022 va celebrase una única convocatoria de les pruebas de certificación de llingua asturiana de los niveles de competencia Intermediu B2 y Avanzáu C1, nes feches que figuren nos calendarios que s'inxerten nel apartáu decimosestu, y con un ámbitu d'aplicación que va ser la Comunidá Autónoma del Principáu d'Asturies.

*Quinto.*—Requisitos y persones destinataries.

1. Van poder presentase a la prueba de certificación de llingua asturiana de los niveles de competencia Intermediu B2 o Avanzáu C1 quien tengan polo menos dieciséis años o los faigan nel añu 2022.

2. El personal docente o aquelles persones que participaren na organización, la ellaboración, l'alministración y la evaluación de les pruebas, en cualesquiera de los sos estadios, nun van poder inscribise nes pruebas de certificación.

*Sesto.*—Procesos d'almisión y inscripción de persones aspirantes.

1. Establécense dos fases: una primera d'almisión pa determinar si la persona candidata tien plaza o non d'alcuertu al cupu establecíu, y una segunda d'inscripción, onde va haber que pagar el preciu públicu, cola que se va inscribir na prueba.

2. Les solicitúes d'almisión y inscripción nes pruebas de certificación de llingua asturiana han presentase nos plazos afitao nel calendariu establecíu nel apartáu decimosestu a) y han axustase al modelu normalizáu disponible na sede electrónica de l'Alministración del Principáu d'Asturies (<https://sede.asturias.es>), que se va poder obtener introduciendo'l códigu de ficha de serviciu CERT0055T01 nel buscador de la cabecera (asitiáu na parte cimera derecha), acompañáu de la documentación que s'indica nel apartáu octavu d'esta resolución.

3. La solicitú d'almisión nes pruebas de certificación de llingua asturiana del añu 2022 ha presentase nos centros d'inscripción que se rrellacionen nel apartáu decimoséptimu d'esta resolución, ensin perjuiciu de lo establecíu n'artículu 16.4 de la Llei 39/2015, de 1 d'ochobre, del Procedimientu Alministrativu Común de les Alministraciones Públiques.

4. Ha presentase una única solicitú por persona y, nel so casu, la solicitú d'adaptación de les pruebas. Namás va poder escoyese ún de los dos niveles de competencia ufiertaos. Presentar más d'una solicitú por persona o conseñar más d'un nivel na solicitú va llevar a la esclusión del procesu d'inscripción.

5. L'almisión provisional nes pruebas de certificación de llingua asturiana va publicase nel portal educativu Educacastur (<https://www.educastur.es/>) y nos centros d'inscripción. D'alcuertu cola Llei Orgánica 3/2018, de 5 d'avientu, de Protección de Datos Personales y garantía de los derechos dixitales, l'accesu a la consulta dixital de la publicación va riquir una clave personalizada que va unviase per SMS al teléfonu móvil facilitáu pola persona interesada na so solicitú d'inscripción. De nun facilitase esi datu na solicitú, la persona interesada va poder conocer l'estáu de la so almisión, previa identificación, na secretaría del centru d'inscripción. Contra esa almisión van poder facese alegaciones énte les persones titulares de les direcciones de los centros d'inscripción nel plazu establecíu. Depués van publicase, nel portal educativu Educacastur y nos centros d'inscripción, les llistes d'almisión, tal como se contempla nel calendariu del apartáu decimosestu a) d'esta resolución.

6. Les persones aspirantes con dalguna discapacidá y/o TDAH que precisen dalguna clas d'adaptación posible de tiempu y/o medios pa la realización de la prueba de competencia xeneral han formular el correspondiente pidimientu concretu de la que soliciten l'almisión rellenando'l documentu, preparáu al efectú, axuntu a la solicitú d'almisión. Esi documentu ye imprescindible pa poder realizar l'adaptación d'alcuertu coles necesidaes de la persona solicitante.

7. Les persones aspirantes con plaza dientro de cupu van tener que materializar la inscripción pagando la tasa de preciu públicu nos plazos afitao nel calendariu establecíu nel apartáu decimosestu a) y presentando nes secretaríes de los centros d'inscripción el resguardu de realizar esi pagu.

8. Nel calendariu establecíu nel apartáu decimosestu a) d'esta resolución va publicase la llista provisional de persones aspirantes inscrites a les pruebas de certificación de llingua asturiana. Contra esa inscripción van poder facese alegaciones énte les persones titulares de les direcciones de los centros d'inscripción nel plazu establecíu nesi calendariu.

9. Depués van publicase, nel portal educativu Educacastur y nos centros d'inscripción, les llistes definitives de persones inscrites, tal como que se contempla nel calendariu del apartáu decimosestu a) d'esta resolución.



## Séptimo.—Axudicación de places.

Determinase un cupu d'almisión de 300 persones pal nivel Intermediu B2 y 300 persones pal nivel Avanzáu C1, que se van establecer cola ordenación alfabética de les solicitúes d'almisión recibíes y d'aluerdu col resultáu del sortéu públicu y únicu, al que fai referencia l'artículu 14.3 de la Resolución de 22 de marzu de 2021, pola que s'aprueba'l procedimientu d'almisión del alumnáu en centros docentes non universitarios públicos y privados concertaos del Principáu d'Asturies. Según se recueye nel acta de la sesión, el resultáu d'esi sortéu foi: sentíu de la ordenación alfabética, de "Z" a "A"; dos primeres lletres del primer apelláu, ZL.

## Octavo.—Documentación.

1. A la solicitú d'almisión han acompañase estos documentos:

- a) Fotocopia del Documentu Nacional d'Identidá, pasaporte o cualquier otru documentu reconocíu llegalmente, en vigor, qu'acreite abondo la identidá y la edá de la persona aspirante. D'aluerdu col artículu 28.2 de la Llei 39/2015, de 1 d'ochobre, del Procedimientu Alministrativu Común de les Alministraciones Públiques va suponese que la consulta o obtención d'aquella documentación ellaborao por cualquier Alministración ta autorizada poles persones interesaes sacante que conste nel procedimientu la so oposición espresa.
- b) Desde la persona aspirante tea almitida y llogre plaza na prueba de certificación de llingua asturiana, xustificante del pagu del preciu públicu que primero ha ingresase en metálico en cualquiera de les entidaes bancaries collaboradores del Principáu d'Asturies col orixinal del impresu normalizáu 046, que va poder obtenese dende la Oficina Virtual de los Servicios Tributarios <https://www.tributasenasturias.es>. (Entidaes financieres collaboradores: BBVA, Banco Santander, Banco Sabadell, Unicaja Banco-Liberbank, Caja Rural de Asturias, La Caixa). El pagu de la tasa d'inscripción tamién va poder realizase per Internet en <https://www.tributasenasturias.es>, desde se rellene online'l documentu 046, executando les instrucciones que señala la páxina web pa realizar el pagu. El modelu 046 rellenu convenientemente, y en quedando pagada la inscripción, val como resguardu del pagu fechu, sacante nel pagu per Internet, nesi casu'l xustificante de pagu telemáticu tien que se presentar acompañáu del modelu 046, aunque en nengún casu va poder suponer la sustitución del trámite de presentación, en tiempu y forma, de la solicitú d'inscripción mentada.
- c) A los efectos de bonificaciones y exenciones pola condición de familia numerosa, va aplicase al preciu públicu lo establecíu na Llei 40/2003, de 18 de payares, de Protección a les Families Numberoses.
- d) Les víctimes d'actos terroristes, los sos cónxugues y fíos o fíes, van tar quitos del pagu del preciu públicu d'aluerdu cola Llei 32/1999, de 8 d'ochobre, de Solidaridá coles víctimes del terrorismu. La condición de víctima ha acreitase cola resolución alministrativa correspondiente. Nel casu de cónxugue y fíos o fíes, ha axuntase fotocopia del llibru de familia.
- e) Les persones aspirantes que presenten una discapacidá reconocida igual o superior al 33% nun van tener obligación de pagar el preciu públicu establecíu por Decretu 192/2019, de 24 d'ochobre, pol que s'establez el preciu públicu pola inscripción nes pruebas de certificación de los niveles de competencia nel usu de la llingua asturiana.
- f) Les persones con dalguna discapacidá que soliciten dalguna clas d'adaptación posible de tiempu y/o medios pa la realización de la prueba de certificación de llingua asturiana han xustificalo. Pa eso han axuntar a la so solicitú'l certificáu acreitativu de la clas y del grau de discapacidá espedíu pola autoridá competente amás del pidimientu concretu de l'adaptación solicitada nel documentu preparáu al efectú.
- g) Les persones con Trestornu por Déficit d'Atención y Hiperactividá (TDAH) que soliciten dalguna clas d'adaptación posible de tiempu y/o medios pa la realización de la prueba de certificación de llingua asturiana han axuntar a la so solicitú, amás del pidimientu concretu de l'adaptación solicitada, l'informe médicu qu'acreite'l so diagnósticu clínicu.

2. Les secretaríes de los centros d'inscripción van facilitar a les persones interesaes en realizar les pruebas de certificación de llingua asturiana la información y la orientación necesaries, han comprobar que la so solicitú d'almisión tea bien rellenada y que s'axunten los documentos que se precisen en cada casu.

## Noveno.—Estructura de las pruebas de certificación.

1. Les pruebas de certificación de llingua asturiana van midir el grau de dominiu del candidatu o de la candidata nel usu de la llingua asturiana y van ser evaluaes garrando como referencia los oxetivos, les competencies, los conteníos y los criterios d'evaluación establecíos pa cada nivel nel Decretu 47/2019, de 21 de xunu.

2. Les pruebas de certificación de llingua asturiana van constar de cinco partes independientes rellacionaes coles actividaes de llingua de:

- a) comprensión de testos escritos;
- b) comprensión de testos orales;
- c) producción y coproducción de testos escritos;
- d) producción y coproducción de testos orales;
- e) mediación.

3. Los candidatos y les candidates van poder realizar toles partes de que consta la prueba de certificación de llingua asturiana ensin que seya menester la realización o superación previa de dalguna d'elles.

4. La Dirección Xeneral competente en materia d'Ordenación Académica va publicar nel portal educativu Educatur (<https://www.educatur.es/>) un documentu d'especificaciones de la prueba de certificación de llingua asturiana con orientaciones pa la realización de les mesmes. La publicación del documentu d'especificaciones va ser comunicada per SMS al teléfonu móvil facilitáu pola persona interesada na so solicitú d'inscripción.



*Décimo.*—Realización de les pruebas de certificación de llingua asturiana.

1. Les persones aspirantes han dir provistes del Documentu Nacional d'Identidá (DNI), pasaporte o cualquier otru documentu llegalmente reconocíu en vigor qu'acréite abondo la so identidá y edá.

2. Los exercicios de les cinco partes que componen la prueba de certificación de llingua asturiana van realizase en dos bloques. Nel bloque 1 van facese los exercicios correspondientes a les partes de comprensión de testos escritos, de comprensión de testos orales y de producción y coproducción de testos escritos; y nel bloque 2 van realizase los exercicios correspondientes a la parte de producción y coproducción de testos orales y a la parte de mediación.

3. Los exercicios correspondientes al bloque 1 van realizase nel día y horariu que s'especifica nel apartáu decimosestu d'esta resolución. Les sedes de realización tanto del bloque 1 como del bloque 2 van ser designaes pola Dirección Xeneral competente en materia d'Ordenación Académica polo menos dos selmanes primero de facese la prueba y van publicase nel portal educativu Educastur (<https://www.educastur.es/>).

4. El bloque 2 va desenvolvese en dellos díes. Polo menos 24 hores primero d'empezar esta parte de la prueba, la comisión evaluadora va dar a conocer a les persones aspirantes el tramu horariu y el sitiu onde se van realizar los exercicios pa cada día. Esta información va tar disponible tamién nel portal educativu Educastur. Esta publicación va realizase d'aluerdu cola Llei Orgánica 3/2018, de 5 d'avientu, de Protección de Datos Personales y garantía de los derechos dixitales. Cada aspirante ha comprobar na publicación el sitiu, día y el tramu horariu nel que lu convoquen pa la realización d'esta parte de la prueba. Nun se contempla la posibilidá de cambios de fecha pa la realización d'esta parte de la prueba, sacante namás nel casu d'hospitalización por causa d'embaranzu y/o partu, debiendo acreitase énte la comisión evaluadora.

*Decimoprimeru.*—Alministración, evaluación y calificación de les pruebas de certificación de llingua asturiana.

1. Han nomase les comisiones evaluadores que seyan menester pa la xestión, alministración, evaluación y calificación de la prueba de certificación de llingua asturiana.

2. El Director o la Directora del centru de realización va poner a disposición de les comisiones evaluadores los expedientes d'inscripción de quien vaigan realizar les pruebas de certificación de llingua asturiana, amás de les llistes y cualquier otru material que seya menester pal desenvolvimientu correctu de les pruebas.

3. Caúna de les cinco partes de que consta la prueba de certificación de llingua asturiana va valorase usando una escala de 0 a 10 puntos, con un decimal.

4. La calificación final de les pruebas de certificación de llingua asturiana va espresase nos términos de "Aptu", "Non aptu" y "Non presentáu", otorgándose la calificación de "Aptu" a quien sacaren polo menos un 6 nel promediu de calificaciones de les 5 partes de la prueba, calculáu esti con redondéu a la décima, y siempre que se verifique la condición de cuntar con una puntuación de 5 o más puntos en caúna de les partes. La calificación final de "Non presentáu" va responder a les persones que nun realicen nenguna de les partes de la prueba.

5. De les sesiones d'evaluación y calificación desenvueltas va llevantase acta. L'acta de calificación ha cubrise según el modelu de l'aplicación corporativa SAUCE qu'ha reflexar la puntuación y calificación llograda poles persones aspirantes en cada parte de la prueba de certificación de llingua asturiana y la so calificación final. L'acta de la sesión d'evaluación y l'acta de calificación han tar firmaes por toles persones integrantes de la comisión evaluadora.

6. Les calificaciones sacaes nes pruebas de certificación de llingua asturiana van grabase al traviés de l'aplicación corporativa SAUCE y d'aluerdu colos procedimientos pal so usu.

7. Una copia de caúna de les actes de calificación ha publicala'l centru de realización onde se realizare la prueba de certificación de llingua asturiana d'aluerdu cola normativa vixente sobre protección de datos.

*Decimosegundu.*—Publicación de resultaos y reclamación contra les calificaciones.

1. Los resultaos de les pruebas van facese públicos d'aluerdu colo qu'establez la llexislación vixente en materia de protección de datos de calter personal y, en cualquier casu, colo estableció na disposición adicional ventésima tercera de la Llei Orgánica 2/2006, de 3 de mayu, d'Educación.

2. Les persones aspirantes, o los sos representantes llegalos, van tener derechu a conocer les sos calificaciones parciales nes distintes actividaes de llingua, amás d'acceder a los sos esámenes y, nel supuestu de que depués de les aclaraciones correspondientes de la comisión evaluadora esista desaluerdu cola calificación final otorgada, a presentar reclamación na secretaría del centru onde se fixo la prueba. Esa reclamación va poder presentase nel plazu de trés díes hábiles cuentaos a partir de la fecha de publicación de les calificaciones.

3. Les reclamaciones han dirixise a la persona que presida la comisión evaluadora que, depués del informe d'esa comisión y nel plazu máximu de dos díes hábiles, va resolver, modificando o ratificando la calificación.

4. La resolución de reclamación ha ser motivada, d'aluerdu colos criterios d'evaluación y calificación que s'establecieron pa caún de los exercicios de la prueba de certificación de llingua asturiana, y va facese constar si ratifica o modifica la calificación otorgada.

5. La presidencia de la comisión evaluadora va resolver la reclamación presentada, per escrito y nel plazu máximu de dos díes hábiles, cuentaos a partir del otru día de celebrase la sesión extraordinaria d'evaluación.

6. Contra la resolución de la reclamación va poder interponese recursu d'alzada énte la persona titular de la Conseyería competente en materia d'educación, nel plazu d'un mes a partir del día siguiente a aquel en que se faiga la notificación de la resolución de la reclamación. Amás, nos 10 díes posteriores a esa notificación, la persona reclamante va tener accesu a les pruebas sobre les que se formuló la reclamación. La resolución del recursu d'alzada va poner fin a la vía alministrativa.

7. Nel casu de que dalguna persona interesada interponga recursu d'alzada, la persona titular de la dirección del centru onde realizó la prueba de certificación de llingua asturiana va unviar a la Secretaría Xeneral Técnica de la Consejería competente en materia d'educación l'espediente de reclamación, integráu por estos documentos:

- exercicios realizaos pol candidatu o la candidata y documentos d'evaluación de les destreces orales;
- solicitú de reclamación;
- recibí de la persona reclamante o acuse de recibu de la comunicación de la resolución de la reclamación;
- resolución motivada;
- copia de les actes d'evaluación y de calificación de la prueba.

*Decimotercero.*—Certificáu d'actividaes de llingua.

1. D'aluerdu colo estableció n'artículo 4.3 del Decretu 47/2019 de 21 de xunu, a quien nun superen na prueba de llingua asturiana les cinco actividaes de llingua del nivel correspondiente, va poder espedise-yos, depués de pidimientu pela so parte, una certificación académica onde se faiga constar que la persona aspirante algamó'l grau de dominiu riquíu en delles de les actividaes de llingua realizaes. Les calificaciones d'actividades de llingua superaes de quien nun llogre la calificación final de "Aptu" nun van tener validez en convocatories posteriores d'esta mesma prueba.

2. Nes certificaciones de les actividaes de llingua, que van espediles el secretariu o la Secretaria de la sede de realización de la prueba según el modelu de l'aplicación corporativa SAUCE, col preste de la presidencia de la comisión evaluadora, va facese constar la puntuación llograda na actividá de llingua correspondiente.

*Decimocuarto.*—Certificado de superación.

Quien superaren la prueba van poder solicitar na secretaría del centru de realización la espedición d'un certificáu acreitativu de superación, que va emitise al traviés de l'aplicación corporativa SAUCE.

*Decimoquinto.*—Custodia y archivu de documentos

1. El secretariu o la Secretaria del centru de realización en que se desenvuviere la prueba va custodiar les llistes provisionales y definitives de les persones almitíes y escluyíes a la prueba. Tamién va caltener indefinidamente les actes de les sesiones d'evaluación y de calificación.

2. Amás va caltener una copia de caúna de les solicitúes d'inscripción, los exercicios realizaos poles persones aspirantes y demás documentos rrellacionaos cola celebración de la prueba nos trés meses siguientes cuentaos a partir de la finalización del plazu de reclamación, sacante los que correspuendan a quien presentaren una reclamación, que se van custodiar de forma indefinida.

*Decimosesto.*—Calendarios y horarios.

- Calendariu d'inscripción

Fecha/plazu	Actuación
Del 21 de marzu al 8 d'abril de 2022	Les persones aspirantes habrán presentar les sos solicitúes d'inscripción nos centros habilitaos pa ello.
26 d'abril de 2022	Almisión provisional. Publicación n'Educastur y nos centros d'inscripción de la llista provisional de persones con plaza y ensin plaza.
Del 27 al 29 d'abril de 2022	Plazu d'alegaciones contra la llista provisional de persones con plaza y ensin plaza. Plazo de alegaciones contra el listado provisional de personas con plaza y sin plaza. Plazu d'alegaciones contra la llista provisional de persones con plaza y ensin plaza. Plazu d'alegaciones contra la llista provisional de persones con plaza y ensin plaza.
6 de mayu de 2022	Almisión definitiva. Publicación n'Educastur y nos centros d'inscripción de la llista de persones con plaza.
Del 9 al 20 de mayu de 2022	Pagu de preciu públicu poles persones aspirantes con plaza na prueba. Presentación nes secretaríes de los centros d'inscripción del resguardu de realizar esi pagu.
30 de mayu de 2022	Publicación de la llista d'inscripción provisional.
Del 1 al 3 de xunu de 2022	Plazu d'alegaciones contra la llista d'inscripción.
10 de xunu de 2022	Publicación de la llista d'inscripción definitiva.

- Calendariu de realización de les pruebas

Sábadu, 10 de septiembre de 2022	Bloque 1; exercicios correspondientes a: Producción y coproducción de testos escritos Comprensión de testos orales Comprensión de testos escritos
A partir del 19 de septiembre de 2022	Bloque 2; realización, d'aluerdu col calendariu y horariu publicáu de los exercicios correspondientes a les partes de: Producción y coproducción de testos orales Mediación

c) Horariu de celebración de les pruebas

Bloque 1. Ejercicios correspondientes a les partes de Producción y coproducción de testos escritos, Comprensión de testos orales y Comprensión de testos escritos: horariu y duración.

	Actividá	Nivel Intermediu B2	Nivel Avanzáu C1
Bloque 1: sesión de mañana	Llamamientu d'aspirantes. Distribución de cuadernos y instrucciones.	08:50 a 09:30 (40 min)	08:40 a 09:20 (40 min)
	Producción y coproducción de testos escritos.	09:30 a 11:00 (90 min)	09:20 a 11:00 (100 min)
	Posa.	15 min	15 min
	Llamamientu d'aspirantes. Distribución de cuadernos y instrucciones.	11:15 a 11:30 (15 min)	11:15 a 11:30 (15 min)
	Comprensión de testos orales.	11:30 a 12:15 (45 min)	11:30 a 12:15 (45 min)
	Posa.	15 min	15 min
	Llamamientu d'aspirantes. Distribución de cuadernos y instrucciones.	12:30 a 12:45 (15 min)	12:30 a 12:45 (15 min)
	Comprensión de testos escritos.	12:45 a 13:40 (55 min)	12:45 a 13:50 (65 min)

Bloque 2. Ejercicios correspondientes a la parte de producción y coproducción de testos orales y de mediación.

Bloque 2: sesión de tarde	Convocatoria
	La convocatoria pa la realización de los ejercicios de les partes de producción y coproducción de testos orales y de mediación va publicase nel centru de realización correspondiente polo menos un día enantes d'empezar esta parte de la prueba.
	La convocatoria va incluyir la llista de persones convocaes d'alcuerdu cola Llei Orgánica 3/2018, de 5 d'avientu, de Protección de Datos Personales y garantía de los derechos dixitales pa cada sesión, el sitiu y la franxa horaria en que van ser convocaes, amás de cualquier otra información que se considere necesaria.

*Decimoséptimo.*—Centros d'inscripción

Relación de centros d'inscripción de solicitúes nes pruebas de certificación de llingua asturiana del añu 2022.

IES Aramo www.iesaramo.es	C/ Trece Rosas, 5 Oviedo/Uviéu-CP 33005 985 23 14 10
IES Calderón de La Barca iescalderondelabarca.com	C/ Calderón de la Barca, s/n Gijón/Xixón-CP 33204 985 37 05 40
IES Carreño Miranda www.iescarrenomiranda.es	Avda. Cervantes, 26 Avilés-CP 33402 985 54 39 11
IES Bernaldo de Quirós www.ibq.es	C/ Fray Paulino Álvarez, s/n Mieres del Camín-CP 33600 985 46 49 82

Contra esta Resolución, que remata la vía alministrativa, pue interponese recursu contencioso-alministrativu énte la Sala de lo Contencioso-Alministrativu del Tribunal Superior de Xusticia d'Asturies, nel plazu de dos meses, cuentaos dende l'otru día de publicase, ensin perxiciu de la posibilidá d'interposición previa del recursu potestativu de reposición énte la Consejera d'Educación, nel plazu d'un mes, cuntáu dende l'otru día de la so publicación ensin que puedan simultaniase dambos recursos, d'alcuerdu colo estableció n'artículu 28 de la Llei del Principáu d'Asturies 2/1995, de 13 de marzu, sobre el Réxime Xurídicu de l'Alministración del Principáu d'Asturies, y nel artículu 123 de la Llei 39/2015, de 1 d'ochobre, del Procedimientu Alministrativu Común de les Alministraciones Públiques, ensin perxiciu de que les persones interesaes puedan exercitar cualquier otu que-yos paeza oportunu.

Uviéu, a 7 de marzu de 2022.—El Director Xeneral d'Ordenación, Evaluación y Equidá Educativa (por delegación, artículu cuartu, lletra b. Resolución de 25 de payares de 2019. BOPA de 5/12/2019).—Cód. 2022-01766.